

春日與容登岷山
理策登飛壑
峯雲接上天
翠宇映松人
王德平大奉送

玉峰詩集卷五

皇明

顧聞 聞字行之吳縣人世居郡西周山
長才績學風神儁朗蕭然夷曠不以時務
經懷詩律流暢鄉舉未仕卒有顧行之集
俊為其叙

冬日與客登崑山

理策盤飛磴攀雲接上天曠浮珠殿日高洗玉
峰烟碧洞寒留葉青霞夕映蓮名山諧夙尚莫
惜羽杯傳

楊慎 慎字用修成都人正德辛未舉進

士第一除修撰嘉靖初以論禮謫戍永昌
凡三十六年而卒為詩追復古雅諸體皆
備精詣博識海內無雙學者咸宗讓焉所
著書四十餘種升菴文集玉堂集七十行
成稿六書精蘊抄俊皆為其叙 今上登
極詔復其官蔭一子

滇中送周子顓北還

潘岳賦西征江淹黯別情羊腸縈隴坂龍角繞
吳城晚眺澄江靜晨浮洞浦清石帆風外轟沙
鏡雨中明愁聽丹楓落勞歌白芷生杪秋暹夕
夢殘月伴長唐

子顓奉使再至滇南先以詩奉迓

吳門滇徼兩心期河草江梅一歲時朗月肯教
玄度共碧雲知為惠休移好音起夜忘衰病喜
氣先春迴暖姿華頂溫泉俱舊約似留仙賞待
新詩

題文衡山画并賦騷體一首送子顓還朝

有美人兮下清都阻城關兮限方壺語相離兮
恍如夢送將歸兮空臨圖山如垓兮樹如簪渺
予望兮愁予心洲如月兮舟如葉悲遠遊兮傷
遠別傷遠別兮奈何袒愁心兮一歌歌易闕兮
意難寫羗有言兮則那羗無言兮則那

子顓招飲紫房觀余之玄閣行窩在焉次韻
一首以謝

偶因避暑構雲房敢擬尋仙覲紫芳忽報軒車
枉蓬華似從丘壑夢巖廊蹉跎良會欣重遇迅
邁流年怪底忙會圃登臺新八詠才情堪繼沈
東陽

俊原韻附

結駟江臯控紫房碧雲深處挹蘭芳泠泠漸
識研朱洞步步渾疑響屨廊玉蝠飛來勾漏
隱金鵝籠去右軍忙僊臺更有何人到目倚
冥鴻送夕陽

卜雲林篇十二首

卜雲林篇為吳郡王元肅雲林山居作也
元肅不遠滇徼懷我好音乃取遠遊擬招
隱綴斯篇

卜雲林兮栖真結靈茅兮遠濱迥與太初為隣
離世遺物絕塵魚鳥自來親人

射干獨立山椒長松落落英標覆露玄雲素朝
結璘鬱儀相邀景界一何參寥

長謡淒淒鏘鏘鴛鴦雉伯相將鷓鴣群晨成行
西天老胡文康上雲樂奏併倡

吟篁嘯桐四清間宮變徵希聲井公下博明瓊

玉女投壺電生焰景飲醴含情

析醒曉踏瑤茸琅玕琦玕交擁柯攢葉抱花捧
重露成幃垂隴晞髮忘言息踵

慶雄虹兮標顛玉樹青葱際天口誦石室苜蓿篇
坐飲金膏冷泉炯如龍漢初年

橫看晚靄嵐沉飡食沆瀣淪陰微披蕙蒂蘭襟
追和遊山九吟聊以陶鑄塵心

采秋菊兮露沾黃菁王豉金鹽克物丹房藥奩
變化七鳥九蟾後天獨秀蒼黔

織落毛兮為衣谿谷杳窳迂威駮狼薦暖長暉
弄徹梅軫蘭徽看舞素雲朔霏

解澌圓折璿流回淵比心清眸遊鮎皎鏡中浮

遐想惠施莊周千載一朝同遊

歎物論兮難齊其滅景兮雲棲鷓鷯何心驂駃
升高或斧之梯誰言亨衢可躋

兩無悶兮潛龍歲寒後凋惟松雲林朝市雍容
達人何心標蹤逝將往兮君從

王揖 揖字元肅自虞山贅崑山遂家焉

清才雅性嗜學能詩仕沂州同知卒

和家兄元定見懷韻二首 時有島夷之變

昔日啣杯湖水濱今聞湖上徧風塵緘書洒淚
痕猶在憶弟看雲句更新故土已隳三世業危

城能保百年身山園半畝今無恙
秋雨蕭疎好種蓴

顛危時事竟如何書到鴿原愁轉多
阮籍窮途惟痛哭杜陵同谷縱悲歌
貧能好客還投轄官似從軍且負戈
聖世自能容釣艇滄溟何日寂無波

吳黃門謫倅歸楚

春來時事摠如麻送別江樓重可嗟
厚祿故人投北海青燈疎雨讀南華
洞庭波冷家為近閩闔雲深路轉賒
自是治安無可議賈生何用到長沙

奉懷子籲方伯

君向西川去迢迢閱幾霜談詩謝匡鼎
遺世尚蒙莊月傍宮花落鶯遷灞柳忙
何時共烟艇搖曳出河梁

寄懷楊太史用修

寄我雲林詠徽音自太初何時渡瀘水
隨地作吾廬神想千峰月窮交一紙書
商巖如結伴悽楚莫忘予

雪中登毘羅閣

晚來春雪轉霏微短褐衝寒仗酒杯
百尺瑤臺攀玉樹恍疑人自剡溪回

醉上雕鞍雪色新
諸山初見玉璘珣
梵王宮裏春如海
欲覓梅花贈遠人

達情詩二十韻

杖策興南服
雲臺早致身
光儀旋黼座
法象列勾陳
寢食懷明主
遊從謝雜賓
虎幃嘗脫穎
螭幄更留神
衛霍名殊陋
應劉日見親
瞻依推北海
慚負識東隣
邃宇超凡境
英標略要津
簪纓聲振古
輦轂俗還淳
弱植成樗散
明時學隱淪
寧歌聊叩角
鄒律定回春
懇釋轅門縛
容開硯匣塵
窮經何憚老
樂此不辭辛
已許遺榮辱
何煩計詘伸
層颺扶倦翼
掬水活枯鱗
操瑟三

年久彈冠一沐新
淺中疑自術微尚
便居貧秩擬鉤盾
令詞干劍履
臣紀恩歸宇宙
直已動星辰
命賦情求達
嘲玄意未馴
露華芳樹集
生色藹蒼旻

陸鰲 鰲字伯載以字行邑人楊維聰榜

進士累官光祿寺寺丞嗜古學為魏公
所知閑居苦吟比老尤劇年八十三終有
駢枝錄易說二卷俊為其叙

憶昔二首贈聶太司馬 諱豹

憶昔姑蘇臺
明月空中來
胥江淨如練
萬里浮雲開
清光溢玉宇
幻界沉昏埃
飄飄紫霞仙
瑤

王荅詩集卷五
六
館相徘徊俯仰已陳迹悵望心悠哉
憶昔陽明丘清風浣素秋崇蘭蘊絕澗宿莽遺
中洲云何有葦菴燦燦盈道周卓哉雙江子允
矣光前修妙契精一傳期與周孔儔

送鄔都尉還朝歌

諱景和

玉峰都尉才且賢戚畹更與天潢連英標稜稜
碧漢上玉樹皎皎春風前儒雅風流世莫並蕭
史千古殊可肩批鱗却違九重眷落羽俄向
三江邊三江九嶺恣遊歷胸中夙有烟霞癖揮
毫洒洒若飛泉琢句融融疑剖壁閒來閉戶窺
三墳深根寧極觀芸芸瑤篇不知老將至赤鳥

於我如浮雲一朝天子思英彥玉環遙錫恩
仍衍輶車歸及薦櫻桃龍光赫爽人爭羨彤庭
拜舞謁聖人劍履復上南薰殿古來君臣離迹
時往往會合難再期明公遭際却如此何以報
答皇天慈江邊老翁樗散資披雲每挹覆露
滋臨岐耿耿何所贈獨立蒼茫一賦詩

讀周虛岩集悵馬成詠

諱詩

飄飄虛岩子夙負靈仙姿探元契奧籙翫化窮
神奇冲襟挾天藻超然邁芟夷精瑩燦華玉絢
采披紫芝有時飲上池研討洞軒岐刀圭切死
生十全無一遺俄焉狗物化名與天壤俱虛室

翫遺編慘焉若傷痍

張羽 羽字子儀邑人少孤力學舉嘉靖辛巳進士累官南京刑部郎中為詩雅健清曠惜晚年抱張籍之疾七十九歲終有集若干卷

送張紹芳任橫州別駕

江頭春水急東風弄柔枝良友別我去蒼茫欲何之逶迤橫山道君故獨驅馳橫山渺何許路接西南夷遐俗喜獷悍淳風亦以漓邇年潢池警餘黎盡瘡痍磊落匡時彥辛勤向邊陲雙旌白日懸五馬相追隨古來牧伯亞祿秩詎云卑

丈夫貴特立豈無國士知憶君少壯時挾策乘駮驪矯矯萬人上穿楊如拾遺霜蹄屢顛蹶遂令心事移出處固有命功名亦人為此行良足慰毋使軒車遲金尊浮綠蟻玉盤送青絲撫景忽惆悵慘慘悲生離意緒兩悠悠累觴安足辭山川隔烟霧後會杳難期看看千里月片言長相思

送翁二守陞廣西僉憲

幾年謫宦水雲鄉五嶺新除出建章青瑣爐香猶想像蒼梧烟樹正微茫批鱗別有雙龍劍攬轡行看六月霜今日長沙從此起便應前席侍

君王

朱懋魯山水圖歌

丹青半壁元氣浮崐崙崑崙崑崙崑崙
雲盡出滿堂空翠風颼颼東城縹緲
梧顛倒瀟湘底紫閣朱薨鳳翼垂瓊樓
碧瓦鴛鴦起闌干十二迴琅玕天香紛度
金鵝葦陰厓六月雪未乾溪風颯
杉松寒飛閣噴射三千丈銀河下瀉青
寅端感石奔壑向何處洞庭雲夢洄波瀾
波瀾不動蛟龍宅萬頃琉璃靜涵碧桂棹
蘭橈相蕩搖滉漾三山如咫尺烟霏冥冥
山木蒼神仙宮闕俱渺茫天姝羽客披霞裳飄

然乘風下大荒
寫歌鳳管何寂寂紫芝瑤少徒芬芳
遙思昔日周天子八駿霜蹄走千里
蒼華西拂白日光王母招携宴瑤水
又疑巫山巫峽從天開楚王神女相
徘徊千年歌舞情未極至今雲雨飛
陽臺陽臺雲氣何時滅瑤池靈液何時竭
我欲從之天路遐登堂一見五內熱
安得逍遙駕綵鸞直扣玄關受真訣
東泉子人中仙皎若玉樓清紫煙滄洲
逸興杳無際然長嘯蓬壺邊

張搏父居城市有大隱之風賦此以贈

山人結廬城之隅壁間常掛寰瀛圖煙霞點綴

丹青古風雲变幻蛟龍趨小僊手筆號奇絕爾
獨追步成規模有時操柯對棋局逸思飄渺凌
虛無三千世界等毫末坐看明月來蓬壺 搏
父號月樵故云 嗟予所至盡荆棘斧斤牢落淪
桑榆金臺麟閣在何處天台鹿門為通衢共君
歌罷紫芝曲羅浮春色滿江湖

張寰 寰字允清安甫子嘉靖辛巳進士
累官通政司叅議性不羈好遊名山水自
方古之陶峴

閒居有感

清秋直北渺燕山魏闕遥瞻紫翠間北伐南征

獻自壯先憂後樂夢常閑深山此日餘高枕當
路何人獨抗顏瀟灑乾坤吾欲老冥鴻何意羨
鷓班

王同祖 同祖字繩武辛巳進士改庶吉
士授翰林編修官至國子司業司經局校
書自幼英敏不凡詩文道麗卓犖儔輩望
之皆以為莫及有文集若干卷

懷名山寄遠二首

澤國秋風生庭草忽淒其勞生如轉環冉冉無
窮時所以明達士高懷浩難羈君昔駕星輶四
牡鬱江湄南遊探禹穴東觀登會稽天台雲霞



原件短缺

光雁蕩芙蓉垂冥搜赤城標幽討丹丘奇儵然
風塵際迫協丘壑姿竭來返天闕長劍盤文螭
北上黃金臺燕然復崔嵬朔風吹易水擊筑知
音稀懷人聊慨慷獨立空踟躕

嗟余本樗櫟濫厠承明廬朝侍蒼龍旂暮馳青
綺衢彈冠際嘉運矯志乘清時風波歛無定長
嘯下金閨振策海上峰悠悠紫泥書緩歌為君
別日落黃河西浮世若輕飈抱膝聊索居遲爾
凌雙翮赤松以為期

春日山居詠懷五嶽之遊賦此

碧海春風吹故廬青峰古城嗟索居阮生踈放
極目風烟萬里愁美人何處望悠悠綵雲宮闕
徂清夜明月關山接素秋絕域變哀驚別淚故
鄉迢遞憶同遊南征車馬無消息霜落胡笳起
戍樓

遊海岸懷僊擬張平子四愁詩

我所思兮在羅浮丹崖峯巖石室幽紫華金液
千春秋叅文螭兮駕蒼虬美人不見空夷猶我
欲遺之青霞裳凌虛一飲沆瀣漿玉洞歲筵瑤
少長倒景倏忽靈輝歲登望峩峩宿煙霧松喬
胡為不余顧

我所思兮在崑崙玉闕萬里西去秦篁篴籥策

聲輪困黃河遙通天漢津美人不見空逡巡我
欲遺之鸛鷓裘文珎副以珊瑚鈎青岩崩崦阻
神州渥洼汗血來何由貳師嫖姚復誰在風塵
胡為迷紫塞

我所思兮在滄溟百川歸之何時盈蛟龍夜鬪
鼉鼉驚精衛鼓翼愁鯤鯨美人不見空屏營我
欲遺之沙棠舟風吹不到蓬萊丘垂絲裊裊青
蘋洲丹梯虛無白玉樓高歌遏雲仰擊筑白駒
胡為在空谷

我所思兮在冀方関山修阻川無梁紫煙冥冥
白日長金庭玉宇遙相望美人不見空彷徨我
欲遺之文錦茵層城飛雪冰龍鱗天寒日暮鴻
雁賓驚沙黯慘愁殺人停鑣倚劍長太息攬搶
胡為照南極

過沛縣臨歌風臺作

沛水寒煙晝不開泗亭津鼓暮頻催沙邊白鳥
雙飛去天上黃河萬里來日落枌榆空古社風
吹烏鵲有高臺天涯歲晚遲歸棹何處歌聲子
夜哀

塞上曲送管清之赴寧夏幕

天山三月無青少胡兒牧馬黃河道蕭條沙磧
少人煙躑躅風塵跡如掃花門碧眼爭前驅彎

五言詩集卷五
五
弓飛射紫鷗，錐珣八晴驕。吹籥策穹廬，夜醉舞
罷旄。朔方壯士皆豪俊，生長邊陲諳戰陣。見敵
翻身唾寶刃，論功繫肘誇金印。胡人不敢輕犯
邊，猶聞烽火到甘泉。靈武屯邊朝策馬，賀蘭山
北暮飛鳶。使君青袍叅幕府，蒼髯白首人爭覩。
枳棘何堪刷羽毛，戈矛未足論英武。玉關萬里
控長城，相國臨邊黠虜驚。知君素有夷吾志，獻
策須歸細柳營。

首陽山歌送蔣子雲守河南

三川浩浩銀河通，首陽遙連華陰峰。懸崖萬仞
薄日月，峻坂百折奔虬龍。昔日夷齊出孤竹，長

謝軒冕遊其中，食粟能無混塵垢。采薇更自甘
蒿蓬，爾來寂莫幾千載。高情猶振喬松風，洛陽
太守維揚俊。玉壺冰瑟聲琤琮，寒帷翛翛煙雪
白。落紙漠漠雲霞空，漢廷郡國二千石。當時奏
課誰第一，吳公為政獨治平。遺愛甘棠，輝赫
使君高義驅今古。五馬登臨應接武，首陽凝碧
遙相望。還並南山歌吉甫。

秣陵行送別

送君石頭城，回首白玉京。秋風歛蕭瑟，碧樹寒
蟬聲。秣陵宮闕雲初繞，萬古江山鬱江表。玄武
湖邊芳草春，雞鳴嶺下蒼龍曉。君不見秦淮日

夜流六朝煙月令人愁

夏駕口晚泊

清晨理輕楫高秋泛吳淞落日夏口岍東流煙
霧中蘆葦聲蕭蕭天末孤青峰長雲亂飛鳥大
壑雙遊龍迴瀾日千里靜夜秋天空明月出暝
色歸心滯鳴鐘潮急漁歌起揮觴對雲鴻恍然
如遠客披襟望江東欲賦烏棲曲楓林搖落同
初秋陪內翰文丈登雲卧樓画山水圖歌

雲樓卧雲滅復明中有羽客開丹青層巒倒景
出天外點染毫素雲霞生玉山主人醉隱几指
顧仙源輞川是蓬萊瀛洲变幻間扶桑若木虛

無裡瑤臺百尺凌紫霄琳宮窈窕迴高標朱帷
綉幌照山月菱葉荷花相蕩搖恍如廬山瀑布
傾天歌又疑吳江夜漲驅寒潮仙人赤松子獨
坐吹鳶簫冥搜入太清舉手相招邀千崖萬壑
盡森爽遠渚晴沙聲寂寥楚湘昔日高唐宮朝
雲暮雨巫山峽美人如花鎖翠翹回首驚濤夜
猿答滕王臺榭江流聲詞人往往銷麟甲歌舞
曾聞佇綵雲千載虛名留蛺蝶世間萬事隨東
流芙蓉爛熳沙棠舟落魄王門抱齊瑟壯懷子
夜看吳鉤我欲遊名山崑崙崑崙崑崙崑崙崑崙
西去杳無路青牛道士何時還東探禹穴南登

羅浮玄覽八極遐觀九州緹中笙崔眇何處天
上空瞻十二樓乘雲披拂山水圖令我逸興同
飛鳧桂樹恭差自鐘磬古人已往不可呼鴟夷
浪跡浮江湖季鷹長嘯思蓴鱸眼底紛紛皆畏
途金龜花馬滿眼酤為君放筆為長歌孤雲巔
肩顛山嵯峨

張比部子儀携酒玉山別業分得年字

白水青山春可憐
楚塘花竹靜娟娟
東風三徑多芳少
落日孤村有杜鵑
高卧馬卿愁病渴
長齋蘇璿愛逃禪
即看載酒尋盟處
小閣秋雲已判年

登玉峰翫月

蓬萊雲際列層峦
碧海光懸白玉盤
哀壑夜深猶自照
瑤臺天遠不禁寒
飛僊縹緲吹龍笛
逐客蕭條戴鶻冠
松檜泠泠清露下
只疑高處有棲鸞

遊聖像寺次韻

楚望春雲薄龍宮湧辟支
陶潛聊避俗惠遠况能詩
翠竹吟風葉蒼藤浥露枝
謝公行樂地名勝古今遺

周詩 詩字以言俊從兄雅抱高潔耻與

俗伍為詩標韻澄廓有出塵之想承世業

精鑿性好遊名區閔壤多留詠焉有虛巖
集六卷行于世

投贈孫取益

夙志秉恬寂寞翳煙蘿裏層軒閉白雲南華洞
秋水目浣區中塵神龕物外理披襟游八埏歷
覽渺千里陶月揮素琴玄飈激流微聾俗誰為
聞所期在鍾子曠哉達士規懸企不能已願言
狗真契永矣洽終始何以結殷勤九畹折蘭芷
縱觀海上因寄皇甫子安

肅舲窮髮濱萬里窺泱泱迅流隱蓬壺欲滯不
能徃目矚金銀宮遼邈生惆恍安得浮丘公駢
馭排雲上躡步獨彷徨俛首增慨慷及此探歸
墟因識化輪廣念我同懷人胡為曠音響不得
結遠遊纏綿同此賞喟然發長吁中宵切隆想

賦得洛川神

盈盈川上神徒倚碧沙渚手拂青琅玕脉脉不
得語弭節蓬丘雲鵞背躡雙屨霓旌招羨門凡
境曠所與飄飄翡翠裾綽約風中舉清陽一遺
彩靈許日延佇芳飈滌玄衷攬之忘所去但恐
瓊珮遙惆恍不知處

送皇甫子循左遷黃州

迅節謝玄鑰淋景臨青祇長臯登潛穎峻坂流

和曦攬時感我抱迴睇多悲思况復敦交別淚
下不能怡筵祖聊歎曲飛蓋停江湄輕舟向千
里日夕寒波隨湘潭拾春芷衡岳褰芳筵遐歷
恣冲賞妙構撫宏詞曠祀接高軌永矣軌共推
還期念乖隔音塵詒所知

早發宣武門

雞鳴紫禁中月墮西巘樹平原蔓葦蒹危坂積
煙霧牛羊散遠郊狐兔竄荒墓緇衣拂曙寒遊
子方即路衝飈古戍昏千里奔雲驚沉憂歷已
綿道喪本難固駸駸俗化渝戚戚淚盈注所期
非所如還向鹿門住願從崔上人聊寫平生素

與沈仲文月下作

招尋結嘉侶散步金塘曲素月掛巘端清輝
遐矚婉彼同車人皎皎顏如玉瀟湘竹下唵淋
漓杯中淥風流抗昔賢高騁接芳躅玄虛超象
先脫略謝羈束何時釋塵軌共賁青霞谷

夏日一泓仙史樓集

節候啓朱明清風蕩炎溽薔薇歇華滋篔簹吐
新綠樓枕石潭寒林掃塵宇俗窓虛落海雲境
迥開遐矚命酒洽情悰援琴寫心曲中有避世
人忻此接芳躅

臨高臺

我臨高臺上極望河山重晨霞相映鬱光彩紆
前峰春流駛丹壑餘響澄心胸中有伏氣士瑤
宮秘其踪靈境入窈窕珠樹何丰茸夙有遺世
志欲往恨莫從聊舉阮生酌且以慰歡悰

春夜與皇甫兄弟泛舟池上

廣陌啓新陽華滋漸林樾大運若轉環萬物通
興歇儵焉時易徂悽矣傷年髮茲辰晤嘉朋行
游逮宵發榜人肅方舫澄波信凌越杯傾各盡
歡歡此池上月一醉萬累輕冥心啜薇蕨

春日子浚置酒登盤門城樓縱眺

出游躡城闈聊使殷憂廓迥瞰城闕重周覽河
山錯候禽音尚微初林蔭猶薄密煙生近堤傾
曦澹遠落潛盤狎勝引且復娛斟酌快意當遺
形所在即丘壑

子安遊天台諸勝寄示華篇作詩裁報

夙齡敦微尚名山締幽期石梁邈僊蹤霞蔚千
岳披靈區念獨往夢寐勞我思孤生諒艱阻良
辰何差池星紀一荏苒壯齒忽摧頽逃虛蓬藿
間羈束良自悲幸有同心彥祇役越郊岐遇物
宣惠風庶績咸昭熙乘時展遊衍抗趾凌青梯
徙倚千仞顛周覽靡所遺挾藻規興公山水無
隱奇卧遊今已愜寧復俟追隨千里存來章爰

王季詩集卷五
荷平生知

留別西湖兼柬孔學使童侍御諸君

淹薄武林遊重輪忽四望興諧謝客幽跡類向
長放崇嶺遵威紆澄湖泛滉漾蓮刹詣諸天香
臺遍昭曠聊因杻度慈一遣迷津妄泉挹氣冽
清洞歷石攢障側足凌層梯迫與丹霞傍煙綿
百雉聯巖嶽兩峰向曬越吳山顛觀濤海門上
哀莽弔遺墟懷徃情亦愴攀踐匪一途靈異信
多狀景物無遁形微尚自茲暢會心旣以玄感
來寧弗亮結侶得應劉調逸每相抗傾座激懸
河芳飈企予仰綢繆林中娛萬事等飄塊發咏
互酬答真賞繇郢唱淒其徂歲陰曰歸介徂
踟躕行復留念此意彌廣斷梗惜臨流撫膺吐
深恨

赤芝篇為子西弟賦

崇岡與修坂綿翳多荆棘中有蛇虺巖路險不
可即唯有圓丘芝可玩亦可食歎此靈仙種昊
蒼恒秘普莽莽八區內人生詎易識介徒詣吾
弟緩頰開胸臆言有瑞芝生秀掩丹霞色何意
凡卉中葳蕤遺孤植亮此元化精可以協素德
吾願勗爾修杼丹歸上國

百花洲歌

吳王城畔百花洲西子金輿曾此遊鳳管鸞笙
花裡度離宮帳殿雲中浮瓊姿瑋態招百妬豔
舞嬌歌擲朝暮行成已兆歡娛時天步潛移不
可誤千群組練溪上來豪華一旦飛塵埃西子
含啼委范蠡五湖舟楫生悲哀我今千載復探
歷遙憶百花心惻惻春風吹拂洲上頭豐草年
年結暮愁倚艫把酒歎往昔萬事轉燭良悠悠
何如蓬累人間世一琴寄傲青山丘君不見伍
員忠諫獨鏤死至今江水咽不流咽不流黃雲
悽斷蘆花秋可憐唯有當時月依舊清暉照綠
洲

賦得虞峰歌贈王五丈

君不見王叟棲閒託冥寂虞山之下結蘿室三
傑功勛眼底輕五侯富貴杯中失采芝靜憩崖
端雲斲苓幽傍霞邊石壯心洗盡山中幽不墮
炎埃競朝夕君不見五陵車馬日奔衝萬事摠
向東流擲何如玄叟好玄搜朱梯碧嶠仙凡隔
浩歌長嘯凌丹冥大塊逍遙恣遐適客來為婦
峰頭雲洞簫吹落青天月青天月攀花咲坐幾
圓缺不涉關山苦離別咤爾悠悠世上人螭螟
蚊蚤徒紛綸

金臺薄晚

燕臺臨薄暮鳥雀下空林霽肅天河氣寒催御
苑砧星霜岐路夢煙月五湖心羌笛吹何處淒
然動越吟

晚泊維揚

落日停孤棹維揚入望賒
阜原浮海盡樓堞抱江斜
雲漢空仙翼瑤壇感舊花
河山長映帶南北並京華

惠山觀泉

泉落惠山石澄潭花竹幽
碧沉河漢影涼發洞庭秋
雲梵空門杳林霏古殿浮
攀巖更超忽萬里入冥搜

孫翁宅守歲不得歸省祖母

離館臨除夕遐襟愴獨偏
青山虛夢寐歧路但風煙
雁斷鄉心外燈懸客淚邊
那堪江縣鼓愁處報新年

九日集孫八丈山居

九日陟丹丘岩花亂客愁
迷方頻歲月牽迹更沉浮
清尊香逾泛高襟意自投
百年塵障裏吾道在虛舟

集王元肅桐花館

榻下桐花館炎囂靜不聞
峰青澹雲氣沙白湛波文
樹影風簷合川光午箔分
歡携諧賞慰瑤

草席氤氳

憶弟子顓

急景交鶉火淒其動旅思情搖蟋蟀咏心斷鶴
鷓詩菊負籬前萼梅孤隴上枝如何清漢月翻
遣淚如絲

雪後登崑山卧雲閣

天路憑虛磴春城雪尚留寒輝迎日動晴日射
峰流郊甸看難辨河山望欲浮傾杯忽爛熳落
景度前丘

登紫霄峰

緝殿緣蒼壁香峰陟紫霄霽窺虛嶺合爽攬大
川遙靈境心彌逸塵區念自消願從王烈駕帝
駐赤城標

期子循登金山雨阻不果

零雨停泣舸香臺念獨勞林迷蒸霧香峰抱濕
雲高謝興違攀石枚心阻聽濤山靈應解別故
遣滯征袍

登金山

絕島中流出蓮宮匝杳茫谷雲通北固津樹隔
維揚海色潮看近江聲夜聽長獨憐臨眺者千
古逝湯湯

哭孫八丈



原件短缺

一馭盧耽雀千秋竟不歸宛然江畔月那復共
清輝巖壑春仍入登臨人已非蕭蕭原上栢心
斷白雲飛

登紫霄峰懷古

霸業復誰在遺墟但少萊神靈今作府雲物舊
為臺山帶千峰出城睨百雉迴鳥啼仍旦暮懷
往自生哀

新秋

雨散一城暑涼生萬井秋露含金氣肅河畔玉
繩函少濕螢難度杯乾容易愁年華雙鬢色忍
向鏡中流

斷遙香雲常覆谷琪樹每干霄一覽心能醉何
辭惠遠招


秀匝疑無地幽偏別有天化城千障合慧水一
梁懸蘿磴重迷日花洲疊隱煙何能此投迹禪
窠蕩諸緣

過若年姪園亭宴集

陝徑囂塵遠憑軒蒼翠深池晴魚躍藻園曙鳥
啼林掃榻眠花影彈琴坐竹陰逍遙逢勝侶物
外共冥心

和子循寄唐太史應德

赫魚辭漢闕歸卧碧山陰竹逕携樽過花源倚



原件短缺

缺26.27

棹臨乳探靈洞閱芝采白雲深抗迹羲皇上道
遙只素琴

夏日謁商相巫公祠

昔賢靈妥地窈窕翠微間炎斷林中壁寒生池
上山仙壇雙鳥下闕殿一雲還長日棲遲興前
岡待月攀

重過青芝塢玉泉觀魚

再訪玉泉勝依然秋暑時觀魚多赤鯉問塢得
青芝香唄出林遠禪鐘度嶺遲雲霞縹緲處盡
是別來思

贈別金懋仁

靈隱何年寺青山向此開澗流元不斷峰石自
飛來樹覆空王苑花歲大士臺冥搜有玄度莫
遣夕陽催

過若永姪郊居留集

不到柴門久相逢醉落曛一峰青帶郭萬木秀
千雲地遠村墟見居深鳥雀聞偶然留信宿愛
汝但論文

玉女潭

仙潭照膽碧客慮坐來寬石壁霞端秀青天鏡
裡寒重陰隨磴憩倒影向波看莫訝持盃久山
深到獨難

張公洞

山中一洞隱雲裡萬峰圍引炬穿昏黑攀蘿出
翠微神仙留勝迹丹碧照人衣石上青驪跡何
年採藥歸

送子籲弟憲使滇南無訊楊太史用修

垂老與君別臨歧多苦辛關山同濺淚歲月各
悽神斷雁愁仍積啼猿聽復頻天涯何所慰伯
起獨相親

集郁章甫北郭郊居

章甫諱冠峴隱士

沿谿蘿逕入傍郭少堂開花木彈琴處風光待
客來峰頭窺月落浦口聽潮迴何意棲遲者同

酣阮籍杯

若年姪澄翠亭中作

把袂形骸失歡娛興不違竹溪倒影見花逕亂
陰依臺迥流雲色亭虛澹日輝徘徊小阮醉
矣不知歸

寄唐太史應德

遼闊分携後音徽空爾思風塵違俗遠歲月著
書遲蘿逕間居日雲山獨往時何年結蓮社擔
笈一相隨

送子循之任滇南因寄子籲家弟

有弟別經年池塘夢獨懸因君持憲去書寄日

南天瘴癘當重險驅馳心欲然相逢尊俎在談
笑賦新篇

清涼山懷古

清涼探徃迹煙嶠幾重圍風景千年是繁華六
代非女墻者日沒淮水識帆歸奈此傷心地蕭
條木葉飛

自適

塵海勞形役雲泉空綠茨誰堪寸心裡長攪百
年思秋月清江夕春天芳樹枝寂憐好風日都
在別離時

夏日過慈舟精舍

避喧蘿逕僻逃暑竹房深片石流雲氣雙林澹
夕陰逍遙從法侶寥寂伴啼禽何意叅禪地能
回不染心

駕出

鐘鳴春啟啓重門龍轉寫車下五雲劍佩隱從
花外見玉珂遙傍柳邊聞彩鬣霧結螭頭合絳
扇星攢雉尾分欲獻河東眇無路少玄空自卧
江濱

送徐紹卿還山

荏苒杯前愴歲華送君湖上獨乘槎林披倒影
千雲遶境接平沙片月斜洞口桑麻堪避世谷

五峯詩集卷五
中雞犬自宜家風塵回首俱形役且學毛公食
紫霞

春日集虎丘

靈立一上思泠然共醉春光啼鳥邊郭裡風煙
窺萬井雲間鐘梵出諸天香林遍遶生公石法
境長寒陸羽泉不道塵襟從此滌頓令超悟締
空緣

同沈仲文登拂水巖

曉泊虞山谿水瀆漫凌絕壁但氤氳靈泉寒拂
半空雨仙石危懸一片雲百里峰巒天外合兩
湖洲渚鏡中分招携况值休文輩探歷何辭到

夕曛

中秋吳山對月

列藉高臺露濕衣伍員祠畔有烏飛一江秋水
流寒影兩岬青山疊素輝達曙歌鐘聞遠近滿
城樓閣望霏微武林寂是今宵月能遣遊人醉
不歸

題童侍御湖上草堂

新構蘭堂敞碧瀆靈區勝事竟全分疎簾常挂
吹簫月高棟頻迴度曲雲近水安欄憑滉漾遠
山橫榻卧氤氳栢譚已識楊雄宅問字還來一
就君

同瞿太史諸君登拂水

勝境窺臨迥不羣與君物外接殷勤飛流百尺
披晴雲石壁千尋疊暮雲黛色浮空山窈窕煙
光入望樹氤氳懸崖列藉芳辰興極目長湖送
落曛

擣衣曲二首

寒衣擣盡淚痕長八月陰山早見霜恨却此身
空顧影不隨孤夢到遼陽
空閨秋夜思難平萬里心旌曳月明寂解容華
易凋歇百年離恨入砧聲

周允元詩附允元字子先邑人高才清識

詩畫皆合作惜早逝未詣精極

吳江楓落句應稀十載神交與夢思一曲擣
衣傳不得見人徒為說周詩

哭周子先

逢人最喜誦秋砧每向樽前把玩深已分交期
能白首可堪中路失知音

屈儒 儒字女為邑有諱初字處誠工畫

竹與夏太常齊名松檜翎毛則太常弗及
者其祖也儒少有遐志年幾五袞始登辛
巳甲科視身清約守官廉慎由大理評事
歷福建僉事卒仕不滿其才德云

南都秋日出太平門覽開國諸功臣墓作
驅蹇出都門秋山探古蹟湖波澹斜陽平堤莽
南北卓哉建國勲隧道紛荆棘石馬抹荒煙穹
碑蒼蘚蝕牧豎日憑陵字刊不可識回首宮人
斜媚眼土花碧悽悽載窮搜迺有蔣尉宅壯麗
不可陳起廢在朝夕無乃忠義心而以動行惻
如何百年事翻與千古隔傷哉愍隸流抑何有
枯骨 聖朝崇帶礪有司鰥厥職賢愚一杯土
智士誕高識百川障不回秋山空突兀愿推無
窮恩生死而肉骨

壽管方伯七袞三十韻

方伯崐人諱琪寬

厚長者此詩得之

仁風開壽域清世渥 恩私磊磊真成久
徒爾為如公超物表舉代欲師資治行推長者
廉聲邁等夷韓嬰偏擅業匡鼎漫稽疑唾手青
雲路掀髯白玉墀飛翻增意緒經緯出心思西
掖摛周誥南宮肅漢儀參籓馳海嶠迴首隔雲
司宿蠹方奔竄遺吐舊倚毗儲胥軍務急稍食
藁人宜黎獮誅誰賴徃器德我綏刑餘奸憲網
士類失清規穢腐蟬爭集高虛鶴自怡沉縣三
閱歲騰躍九遷時江左方分席湖南早抗麾孤
高衡霍體閔大洞庭姿右轄仍躋左高憑却軫

卑康侯禮顯被岳牧體何虧反覆工緇壁奔馳
解白髭我躬嗟不閱此後恤何為渤海元無涖
貞松耿不移人怜官不極我意壽無期自古誰
如此于今已殆而風煙紛瀕洞花鳥足差池瀟
灑山公酒從容謝傳碁旬宣當日事引翼暮年
規雅俗還憑鎮高標會有知走方困璞礦坐已
得著龜敢效華封祝聊歌湛露詩

嶧山歌

馬頭望望東蒙東遙空扶出青芙蓉遠人驚詫
忽天墮神飛已落冲霄官方壺員嶠無覓處蓬
萊或此留孤蹤神仙棲托定有在咫尺或與桃
源通峰巒巒岩壑總奇絕架閣撐拄勞鬼工粲如
瓊臺閬苑花之叢紛紅綴白春濛濛竦如九苞
威鳳來崆峒翩翩振刷朝陽紅矯如雲海下上
之游龍青天迤邐西復東纖如楚姬甘餓羸其
躬批風抹露誰為容怪如鼉鼉跋尾滄溟中怒
濤逆浪相擊衝嗟嗟喬嶽豈無有如此秀拔將
無同 然昏旦變氣候夕陽紫翠爭長雄珍禽
奇卉不足異蜿蜒清淑信有鍾我疑宣父占此
秀尼山豈得專其功不然顏曾思軻氏英賢命
世千載逢穆王八駿遊歷久秦始登載東之封
至今斯篆人膾炙科斗以上皆楚弓竭來諦翫

恨不足直凌倒景排蒼穹山人肯借一弓地便
當脫屣巢雲松

送陸伯載兩浙纂修

陸子有遠致逡巡不入宦蕪之念雙親日夕思
南還今當啣命去便道堪承顏春明駕綵舟
苔雪錢塘間太史牛馬走是處尋名山西湖溶
素波葛嶺堆晴岫狼籍孤山魂邇客猶及觀天
目東南雄釣臺屹江千金華訪初平三洞百折
盤禹穴在何處雁蕩古莫攀石橋跨天台險峻
真仙閔天姥掩赤城四明逼斗寒君行適了此
亦足昭大觀持此綜史事識見誰能肩况當四

境內弔古旌時賢藥籠富芝箭武庫戈鏐駢自
昔能言士閱歷無不然長安裘足者目斷孤鴻
騫

王世芳 世芳字濟美崑山人分隸東倉
幼穎敏年十八舉應天鄉試登辛巳進士
時諸父宦顯婦翁毛文簡公在位乃介然
獨持不欲附進授刑部主事尋奏改南
禮部翱翔郎署久之陞贛州知府聲聞惠
流陞廣東提學副使掄士秉公廣中縉紳
不悅者擠之竟以去位生平重厚長者人
莫測其量詳見毘陵徐公問誌

出都城寄夢哲

昨夜相看嘆別離
朝來愁聽渭城詞
歸心對月三千里
旅思傷春十二時
凍雪遙連沙地白
征衣半染驛塵緇
東風匹馬燕南道
又見斜陽樹杪垂

詠莫愁湖

盧姬家住石城邊
贏得湖名與並傳
蘇小錢塘春漱澗
西施笠澤夜潺湲
晴波蕩漾流雲影
碧樹模糊澗渚烟
遙想當年青鏡曉
淡粧濃抹似爭妍

中秋夜泊聞笛

碧雲天際曉嵯峨
日落山城雁木過
五嶺秋光今日半
一年月色此宵多
風飄長笛悲楊柳
露濕征衣戀芰荷
自嘆浮生因底事
扁舟猶宿楚江沱

沈世麟 世麟字天行
崑山世家崆峒先生
愚之後也長才不羈
文千百言頃刻立就
累舉不獲雋而家屢
空怫鬱不得志遂以
沉冥自托而終焉

獨坐一首

黃花向我咲今日
見淵明日夕厨無烟
西風簾外清有懷
不能寫濁酒誰共傾
嬌兒學新語繞

王季詩集卷五
滕似流鶯咄咄眼前事可聞門外聲官家重租
賦無那天雨晴願開衡山雲俾民得聊生

平陽公宅賞牡丹作

九十春光不可孤名花爛熳蕊宮姝玉醪馥郁
大官厨繡屏翩翩金翠雒玉舟髯客高陽徒寫
驂不費人招呼晴酣老眼雙模糊松風颯颯生
構櫺坐疑驪龍出画圖金精恍耀明月珠不然
銀漢雲錦襦河東嫁與牽牛夫青黃巧幻誰能
俱黃荃玉潭祗貌模姚牛魏左林賀蘇軍容集
宴慚花奴掀髯鯨吸三百壺鸞箋十丈橫鴉塗
晝眠白也長安壚夜歸不倩紅袖扶曉來那憶

云與無風流恰寄興平酥邏沙香骨還徵逋咲
我落魄腸更枯朱櫻玉筍紫琳腴君家忠孝弼
黃虞上林鳳輦應徐驅願深愛護珊瑚株庭堦
莫遣生薜蘿日中炯戒奔駒駉作金稜碧五色
殊清平歲歲同歡娛名園應不羨東都

題雲山圖

蠟將一兩謝公屐怪底烟霞成痼癖何當汗漫
長風遊狂歌醉倚武皇栢飄然八極發玄想桃
花流水人間隔七十二朵金芙蓉挿天疑是巨
靈擘炷香茗盃作清供結緣日觀非生客丹丘
生少室伯我欲期之采靈珀忽聞玉女四五引

素手道我學仙未為夕青童捧流霞王母遺桃
核黃金鑄成九轉丹飛銅點却雙眼碧大鵬萬
里天風高赤脚一咲塵土謫開圖見之有所懷
何物精神四飛適故人應在此山中請君靜坐
拂龜策要令開廓天地清道然虛室自生白暮
雲春樹正茫茫懸崖賸有蛟龍宅

夜懷

暮髮未盡白春醪還自斟有懷不能寐擁被成
洛吟蘿月出玄嶠松風鳴素琴高人何所攀千
載流徽音

送春

去去美人南浦依依細柳東風目斷天涯芳草
一聲歸雁橫空

玉峰詩纂卷五

